

26. april

Uunga siunnersuut: Kalaallit Nunaanni sulisilluni ajoqusersinnaanermut isumannaarineq pillugu inatsisip allangortinneqarnissaa pillugu inatsisissatut siunnersuummut Namminersorlutik Oqartussat oqaaseqaateqarnissaat pillugu Inatsisartut aalajangiiffigisassaattut siunnersuut.

(Inuussutissarsiornermut, Suliffeqarnermut Niuernermut Nunanullu Allanut Naalackersuisoq)

Namminersorlutik Oqartussat oqaaseqaateqarnissaat pillugu aalajangiiffigisassatut siunnersuut annerusumik Arbejdsskadestyrelse-ip suliaasa sulisilluni ajoqusersinnaanermut isumannaarineq pillugu suliaat Kalaallit nunaannut tunngasut ingerlatsivimmut nutaammut Arbejdsmarkedets Erhvervssikring-imut nuutinneqarnerannik siunertaarpoq.

Naalagaaffiup sullissivik imminut pigisoq »Arbejdsmarkedets Erhvervssikring« pilersinniarlugu Arbejdsmarkedets Erhvervsygdsmarkedet atorunnaarsinneqarnerannik kinguneqarpoq, tamanna Nunatsinnut sulisilluni ajoqusersinnut allaffissornikkut aqunneqarneranut suliarineqartarnerinullu ingerlatiinnassagaa siunertaavoq.

Siunnersuummut ilanngullugu kissaatiginarpoq qulakkeerluarneqartariaqartoq akisussaatsinerit pisussaaffiillu qulakkeerluarneqarsimanissaat, tassani pingaarnertut maluginiarlugu pisortat aqutaaniit ingerlatsinermit nammineq pigisutut ingerlatsisoqalerneratigut pisussaaffiit allangortarneri pingaartillugu.

Ass. Oqaaseqaatit naliginnaasuni allassimavoq:

"Naalagaaffimmi suliffiit nunat tamarmut agguanneqarnissaannik innuttaasunullu qaninnerunissaannik naalackersuisut kissaateqarnerannut atatillugu, suliaassat ullumikkut Arbejdsskadestyrelsimit suliarineqartartut suliffeqarfimit imminut pigisumut pilersinneqarlaamut, Arbejdsmarkedets Erhvervssikringimut, Arbejdsmarkedets Tillægspensionimit teknikkikkut allaffissornikkullu ikiorneqartumut nuunneqarnissaat siunnersuutigineqarpoq".

quppernermi tassani issuaanerup aappaa:

"Arbejdsmarkedets Erhvervssikring siunnersuut malillugu pisortat inatsisilerinermik suliaqarfigisavaat nammineertoq, ilaatigut ingerlatsinerimut inatsisitigut maleruagassat, ilanngullugit tamanut saqqummiussisussaataaerimut inatsit, kiisalu inuit pillugit paasissutissat pillugit inatsit, pisortat oqartussaasuinut atuuttut toqqaannartumik atorneqassallutik".

Taamaattumik qulakkeerneqartariaqarpoq innuttaasut atugarisaat kiffartuunneqarnerilu ajorseriaateqaratik ingerlatsiviunissaat, pingaaruteqarmat pisortat inatsisilerinermik "suliaqarfigisat nammineertoq" ingerlanneqalerneratigut naalackersuinikkut akisussaatsinerit atuuttuarnissaat.

Siumumiit maluginiarparput Inatsisissatut siunnersuutip nunatsinni ajoquseritut pisinnaatitaaffiit pisussaaffiilu allangortinneqassanngitsut, taamatullu allaffissornikkut aningaasarsornikkullu

sunniuteqassanngitsoq naatsorsuutigineqarmat taamaallaalli sulisut atorfilittatut atorfeqartut Erhvervssikringimut attartortinneqartalissallutik.

Taamak naatsumik Siumumiit oqaaseqarluta aalajangiiffigisassatut siunnersuutit ilalerlugit ataatsimiititaliamut ingerlatinneqassasut innersuupparput.

Suka K. Frederiksen

Siumut